

Vischnaunca politica Andiaast

Radunonza communal dils 4 da december 2015

Presents: Suprastonza communal e 10 vischinas e vischins
Neginas perstgisas

1. Beinvegni ed elecziun dils dumbravuschs

President communal Sievi Sgier fa in cordial beinvegni tier las fatschentas publicadas. Sco dumbravuschs vegn Guido Sgier e Christian Spescha proponi ed elegi unanimamein. Encunter la gliesta da tractandas dat ei neginas objecziuns.

2. Prelecziun ed approvaziun dil protocol dalla radunonza communal dils 11-09-2015

Il protocol dalla davosa radunonza communal dils 11 da settember 2015 vegn prelegius ed approbaus unanimamein.

3. Presentaziun ed approvaziun dil preventiv communal 2016

Il **quen communal** muossa sco usitau las numerusas spartas nua che la vischnaunca ei engaschada, per tgei ch'ìls mieds finansials vegnan impundi e cun tgei entradas ch'ins quenta. Sco mintg'onni ei la gronda part dallas expensas pli u meins definadas, quei entras cunvegna, contracts ni leschas. Aschia resta alla fin el quen current mo ina pintga part da cuosts che sa vegnir influenzada activamein per migliurar il quen final.

Il **quen current 2016** siara suenter expensas da frs. 1'295'310.00 ed entradas da frs. 1'322'168.00 cun in surpli d'entradas da frs. 26'858.00. Amortisaziuns ordinaris sin la facultad administrativa vegnan pridas avon ell'altezia da total frs. 210'000.00.

Il **quen d'investiziun 2016** siara suenter expensas da frs. 1'350'000.00 ed entradas da frs. 375'000.00 cun investiziuns nettas da frs. 975'000.00. Las pli impurtontas investiziuns egl onn 2016:

- sanaziun dil tetg dalla casa da scola
- sanaziun vias da quartier
- sanaziun vias da funs
- investiziuns plan general dall'aua GWP
- investiziuns plan general d'allontanament GEP

Il **preventiv 2016** sco era il **quen d'investiziun** vegnan approvai unanimamein.

4. Fixaziun dil pei da taglia per igl onn 2016

Il pei da taglia actual munta a 125% dalla taglia cantunala semplia. Muort las investiziuns previdas sco sura menziunau eis ei buca previu da sbassar il pei da taglia. La suprastonza communal fa consequentamein la proposta da schar il pei da taglia sin 125% dalla taglia cantunala semplia.

Unanimamein vegn concludiu da fixar il pei da taglia sco tochen dacheu sin 125% dalla taglia cantunala semplia.

5. Varia

Uras d'avertura canzlia communal Andiastr

La suprastanza communal vul far la damonda als presents co ei vesa ora cun il nez dalla canzlia communal ad Andiastr. El mument ei la canzlia communal mintgamai aviarta mesjamna naven dallas 10:00 uras entochen las 12:00 uras. Tenor las conlvreras dalla canzlia communal vegn il spurtegl buca duvraus fetg. Ei sappi era buca vegnir luvrau productiv. La suprastanza communal fa la proposta dad anflar in'otra sligiazion per il spurtegl. Era ils presents van d'accord cun in'otra sligiazion forsa pli flexibla.

Ulteriuramein informescha il president davart las suandontas fatschentas:

- Project da fusiun
- Sanaziun tegia Alp Sura
- Via Curals-Sigliaus
- Via da quartier Carnugl

Finiziun dalla radunonza communal allas 21:00.

Andiastr, ils 4 da december 2015

Il president:

L'actuara:

Sievi Sgier

Silvia Calzaferri